



Sabtu, 21 Januari 2023
Ogen: Kejadin 3:13; Lukas 6:37



"Ola Nalahken Kalak"



Kenca ipan Hawa buah batang kayu si ilarang Tuhan; Hawa nalahken nipe si nggo mpengaruhi pikiran ras dirina. Hawa nalahken nipe, "*Isungkun Tuhan Dibata ka si diberu nina, Engkai maka bage perbahanenndu? Erjabab diberu ndai, **nipe si ngajar-ngajari** aku maka kupan*". Hawa mpersalahken nipe i bas kini la ngasupenna lako nimbak peraten dagingna; Hawa la ngasup nahan godan si nipe. Emaka tupung isungkun Tuhan ia, Hawa alu mesukah ngataken/nalahken nipe me penyebabna maka ipanna me buah batang kayu si ilarang Dibata, gelahna teridah benar tupung isungkun Dibata.

Kita pe mekatep bagi Hawa. Kesalahen si sengaja entah pe la sengaja si lakoken, rusur si darami kalak sideban, situasi entah kai gia guna si salahken. Misalna: merasa ersalah kita tupung isungkun temanta kita, engkai maka kita la reh denga er-PA Moria., maka jababta "la kuakap cocok nande si anu" entah pe "pengurus moria ah., lalap si tampil". Artina lit lalap objek si ijadiken kita guna membenarken dirinta. Nalahken kalak e ncidahken maka kita perlu kalak si deban guna isalahken gelahna kita teridah benar.

Ola sisalahken kalak si deban, maka kita pe pagi la isalahken Dibata. Adina kita erbahan salah marilah si akui kesalahenta, adi la ngasup kita nahan godan si erbahansa kita erdosa dengen salah, marilah kita reh paguhna kinitekenta dengen reh rembakna kita ku Dibata. Katakenlah dengen akuilah salahta; sabap kalak si ngasup ngakui kesalahenna maka ia jadi kalak si bebas tanpa ibebani perasaan ersalah. Kalak si ngasup ngakui kesalahenna maka Dibata pe ngakui ia jadi anak-anakNa.

Si pengadilah biak nalahken kalak guna membenarken dirinta, sebab biak si bage labo maba kedamen kubar pusuhta.